



Universitätsbibliothek Paderborn

V. P. Gasparis Druzbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Druzbicki, Societatis Jesu, Jesus Passus Per Centuriam
Modorum Meditandi passionem Salvatoris nostri illustratus; cui
accesserunt Meditationes In Passionem Domini XLVI. - Juxta numerum
dierum Quadragesimæ

Druzbicki, Kaspar


Ingolstadii, 1732

VD18 90066405

Passionis & Orationis Dominicæ Accomodatio septuplex.

urn:nbn:de:hbz:466:1-45427

non addo. Hæc ut arbitror, sufficiunt probare, sententiam hanc, nec stultitiæ, nec falsitatis, nec temeritatis, nec præsumptionis posse damnari, neque esse contra apertam scripturam: ut alicui pronuntiare visum est.



Septem accommodationes Passionis & Orationis Dominicæ, aliâ quondam occasione conscriptas, his meditando Passionem Christi modis accensere volui: arbitratus hanc quoque meditando rationem devotis amatoribus contemplatoribusque Passionis, non ingratam, nec inutilem fore.

ACCOMMODATIO I.

Conferre septem postulationes Orationis Dominicæ, septem effusionibus sanguinis Christi in Passione.

Pater noster qui es in caelis. Oratio & ascensio mentis in Deum, qui cum peculiariter in Cœlis resideat (estò Cœlum & Terram impleat) idcir-

V. P. Druz. Op. VIII.

Ccc

co

co Christus Dominus docuit nos hunc in modum orationem nostram inchoare, ut ad Patrem in cælo manentem corde ingredientem, ibi eidem petitiones nostras exponamus.

Sanguis Jesu Christi ex clavis Cœli: quæ ille omnibus hominibus, cælum peccato occlusum referavit. Hanc ergo clavem accipe, & cælum tibi referans ingredi, & appropinquans ad Thronum Majestatis Dei cum fiducia, dic Patri cælesti. *Pater noster, qui es in Cælis.*

Ex Evangelica narratione habemus, Christum Dominum septies potissimum fudisse pretiosum sanguinem suum, ad has effusiones sanguinis conferre potes totidem Postulationes Dominicæ orationis.

Prima Petitio. *Sanctificetur nomen tuum.* Prima sanguinis Christi effusio fuit in circumcissione, octavo à nativitate die, quo etiam Sacrosanctum nomen JESUS à Patre quidem Æterno donatum, à Pretiosissima autem Parente inditum accepit.

Consecrasti & perfudisti bone Jesu sanctissimum tuum nomen, sanguine tuo: infunde etiam obsecro pretiosum istud nomen tuum, in corda omnium nostrum, ut in nobis per merita sanguinis tui, semper & amplius sanctificetur & magnificetur.

Secunda Petitio. *Adveniat Regnum tuum.* Altera effusio sanguinis fuit in coronæ spineæ impositione, quâ caput Christi Domini crudelissimè confossum, fauciatum, & cruentatum fuit. Hoc cruore Dominus JESUS nobis cæleste regnum mercatus est, fecitque nos Patri Regale sacerdotium.

○ Bone

g: D.
Bick
oper: e
Tom 21.
N: 5
8

O Bone JESU adveniat quæso hoc tuum Regnum in nos, & nos in illud: & per merita sanguinolentæ Coronæ tuæ, corona nos æternæ gloriæ coronâ, in beatissimo Regno tuo.

Tertia Petitiō. *Fiat voluntas tua, sicut in Cælo & in terra.* Tertia sanguinis effusio fuit in horto, quando inter orandum ad Patrem sanguinem fudit Dominus, submittens se ad omnem voluntatem ejus, & ad ebibendum calicem amarissimæ Passionis atque mortis, sibi à paterna manu pro nobis propinatum.

Da & fac ò Bone JESU tuam sanctissimam voluntatem gustabilem, ut semper à nobis, & in nobis perfectissimè impleatur. Resperge sanguinei sudoris tui rore copioso corda nostra, & voluntates nostras, ut plenè, sincerè, æternaliter, voluntati tuæ subjctæ manentes, nullo unquam modo sese ab ea separent.

Quarta Petitiō. *Panem nostrum quotidianum da nobis hodie.* Quarta Christi sanguinis effusio, fuit in flagellatione ad columnam: in qua corpus Boni JESU multis vibicibus, & vulneribus, instar frumenti planè in farinam commolitur; Anima verò Sanctissima pane doloris & amaritudinis saginata fuit.

Da nobis Bone JESU gustum in pane quotidianæ tribulationis, propter amorem tuæ benedictæ voluntatis: condiens eum nobis condimento tui pretiosi sanguinis: ut nobis omne gaudium sit, pati semper aliquid amarum, à suavissima tua Providentia nobis ordinatum.

Quinta Petitiō. *Et dimitte nobis debita nostra, sicut & nos dimittimus debitoribus nostris.* Quinta sanguinis Christi Profusio, fuit in detractōne vestium,

vestium, ad cruentum vulneratumque Dominum
Jesu corpus, tenaciter adhærescentium: quæ de-
tractio præter acutissimum dolorem, vulnerum
que renovationem, fieri non potuit absque ma-
gna & multiplici sanguinis effusione.

O mi Jesu quoties renovamus nos peccato-
res vulnera tua amarissima, dum ad inolita re-
vertimur peccata? Attamen tu dissimula incon-
stantiam nostram, renova autem indulgentiam
tuam. Effunde iterum balneum sanguinis tui
super iniquitates nostras, propter quam & nos
iteratò & iteratò condonamus debitoribus no-
stris, omnia debita nostra.

Sexta Petitio. *Et ne nos inducas in tentationem.*
Sexta effusio sanguinis fuit, quando Christus
Dominus noster Cruci affixus & inter latrones
deputatus, venenatisque & blasphemis omnium
linguis, tanquam signum, cui ab omnibus con-
tradiceretur, expositus fuit.

Assume tibi crucifixum hunc Jesum in secu-
tum contra omnes tentationes, adversitates,
periculaque corporis & animæ. Sanguine pe-
dum ejus, ablue & emunda inordinatos affectus
tuos. Sanguine manuum ipsius, supple & adorna
paupertatem nuditatemque operum tuorum,
ut sanguine isto signata, non iram, sed gratiam,
nec pœnam, sed mercedem coram oculis Dei
inveniant, & de manibus ejus referant.

Septima Petitio. *Sed libera nos à malo. Amen.*
Septima sanguinis effusio fuit, in transfixione la-
teris & cordis Domini Jesu jam mortui, ex quo
vulnere exivit sanguis & aqua. Sanguis quidem
in pretium redemptionis: Aqua autem in ablu-
tionem omnis peccatoris.

Pete,

g: D.
Bic
oper:
Tom 2.
N^o 5
&

Pete, ac impetra te admitti ad hoc balneum, & inibi ablue ac depone omnia inquinamenta cordis tui. Fuge sicut columba simplex, & imbellis à facie rapacium milvorum, ad foramina hujus petrae, & ibi securè inhabitans requiesce, non solum nihil mali formidans, sed etiam apertum aeternae felicitatis ostium possidens.

ACCOMMODATIO II.

Conferre septem extrema Christi in cruce verba cum septem Postulationibus Orationis Dominicæ.

Pater noster qui es in celis. Crux Christi est veluti navis, aut pons super mundi & vitæ hujus stagnantes aquas stratus, in eorum gratiam & commoditatem, qui hanc navem, aut pontem istum, ad vitæ suæ viam adhibere volunt. Cave exscendas navem hanc, cave pontem hunc negligas, indubitatè namque diluvium absorbebit te. Insiste potiùs ponti huic perque eum progrediens portum tene, portamque resera coelestem tibi, & coram throno Majestatis Dei prostratus dic toto corde tuo. *Pater noster, qui es in celis:* coram Te ego vilis creatura effundo desideria cordis mei, &c.

Prima Petitio. *Sanctificetur nomen tuum.* Primum verbum Christi in cruce. *Deus meus, Deus meus, quare me dereliquisti.* Semper & assiduè Dominus JESUS, cor suum ad Patrem Æternum conversum & adhærens, habebat, & tam in prosperis, quàm in adversis nomen ejus sanctificabat, nec in cruce pendens, à consuetudine sua

Ccc 3

cessa-

cessavit, sed in ipsa etiam amarissima derelictio-
ne vocem nihilominus & mentem suam devotissimè,
humillimè, fidentissimèque ad Patrem convertit.

O Bone Jesu propter nos in doloribus crucis derelictè, & nihilominus nomen Patris tui sanctificare non oblite, doce me, & mecum omnifervos tuos sanctificare nomen tuum divinum tam in prosperitatibus, quàm in adversitatibus præcipuè autem & nominatim in ultimo agone mortis, à Te non derelinquamur, sed potius omnipotentis dexteræ tuæ auxilio, ita efficaciter confirmemur, conservemurque, sicut fiducialiter ad Te confugientes clamamus, Deus Deus noster, ne derelinquas nos nunc, & in hora mortis nostræ.

Secunda Petitio. *Adveniat regnum tuum.* Aliud Christi in cruce verbum fuit. *Hodie mecum eris in Paradiso.* Quo verbo exaudivit Dominus Jesus latronem petentem ac dicentem sibi, Domine memento mei, cum veneris in regnum tuum. O admirabile certamen! latro solam suæ reminisceniam mendicat, Dominus verò integrum suum regnum plenamque secum beatitudinem absque ulla dilatione confert.

Et ego licet repletissima iniquitate creatura tua, obsecro Te liberalissime Jesu, evacua me ab omni amore studioque hujus mundi, & inflamma me incessabili desiderio regni tui; & quodcumque ego petens dico, *Adveniat regnum tuum*; Tu ex bonitate tua semper in vita & morte mihi responde. *Hodie mecum eris in Paradiso* cœlestis gloriæ.

Tertia

g: D.
bict
oper:
Tom
N
8

Tertia Petitio. *Fiat voluntas tua, sicut Cælo, & in terra.* Tertium in cruce Christi verbum fuit. *Consummatum est.* Totum scilicet quicquid in scripturis scriptum, quicquid à Patre in cælo decretum de Christo fuit. Habes homo, exemplar vivum consummatæ obedientiæ, subjectionisque ad voluntatem Dei. Felix anima quæ semper, quæ veraciter, quæ in omni vitæ mortisque articulo dicere potest Deo suo: Consummatum est Domine universum beneplacitum tuum. Exora ergo humillimâ instantiâ bonitatem Dei, ut te transformet, nuncquidem in perfectam subjectionem, postea verò in beatificam fruitionem suavissimæ voluntatis suæ.

Quarta Petitio. *Panem nostrum quotidianum da nobis hodie.* Quartum Christi in cruce verbum. *Sitio.* Quo verbo Dominus Iesus testatus est, non tam sitim suam corporalem, (licet & hanc ardentissimam passus sit, ob immanitatem, diurnitatemque pœnarum) quàm potius interiorem salutis animarum nostrarum. O mi homo, Iesus præ fame sitique salutis animæ tuæ moritur: & tu nihilominus procrastinatione tuæ pœnitentiæ, tuæ emendationis, tui profectus excruciare illum non desinis? Te Deus ardentissime sitit, tu autem ingratissimè Deum contemnis? siti tandem & ipse vicissim Deum. *Hoc enim bonum solâ voluntate tibi venale proponitur, cupiditatem ipsam sui Deus ingentis pretii loco habet. Sitit sitiri.* Ergo quemadmodum desiderat cervus ad fontes aquarum, ita sitias Deum, ita sitias tuam & proximi salutem, in virtute profectum, cum Christo conformitatem, cum Dei voluntate unionem. Hic sit tuus quotidianus

C c c 4

panis

Nazianzenus
Orat. 40.

panis, quotidie renovari Spiritu mentis tuæ, & æmulari charismata meliora, te aliosque tecum ad perfectiorem viam Dei trahere & rapere. Non potes meliore viatico ac pane viam vite mortisque tuæ instruere, quàm pane affidui in gratia virtutibusque profectûs, quàm alienæ salutis ardenti & laborioso zelo, quàm Sacrosancti Eucharistiæ Sacramenti convivio. Hæc enim omnia sunt Panis electorum Dei.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintum Christi verbum in Cruce. *Pater ignosce illis, quia nesciunt quid faciunt.* Hoc verbo Dominus IESUS crucifixoribus & interfectoribus suis postulavit & paravit misericordiam apud Patrem. O si quomodo liceat potiri hoc corde, & discere hoc idioma IESU: ut homines condiscant isto idiomate, condiscant inimicos suos & debitores convincere.

Ecce Domine IESU innumeros habes crucifixores tuos, ecce habes & me, unum illorum, inter ipsos; impetra quæso nobis omnibus omnium indulgentiam veniamque culparum, præsertim in articulo mortis meæ, propter articulum mortis tuæ, & dimitte mihi omnia debita mea, sicut & ego per gratiam tuam, propter claritatem tuam, dimitto omnibus debitoribus meis omnia debita mea.

Sexta Petitio. *Et ne nos inducas in tentationem.* Sextum Christi verbum in cruce. *Ecce Filius tuus, Ecce Mater tua.* Quo verbo Dominus IESUS Matrem suam juxta crucem stantem, discipulo Joanni, Joannemque Matri suæ commendavit. Nemo potest esse immunis à cruce, qui-

g: D:
Bic
oper:
Tom
N
S

quilibet sub cruce esse cogitur; non tamen omnes sub cruce Jesu sunt, neque omnes, esto sint sub cruce Jesu, subsistunt. Multi sub ea jacent, multi gemunt, multi sub ea tœdio nauseant, multi eam objiciunt. Non est hæc consulta ratio, cruces, tentationes, adversitates, cum murmure, cum ira, cum tœdio tolerare. Stare oportet modestè, quietè, patienter, fortiter, hilariter, famelicè, humiliter, constanter, maximè quando Jesus ipse propter me in cruce pendet, dolet, moritur. Grande utique discrimen est, pendere affixum in cruce; & stare solummodo sub cruce: sufficit tamen si vel hoc solum præstes, tradet te Jesus Matri suæ in filium, & tibi Matrem, Matrem suam. Quæ pretiosior consolatio sub cruce stanti, quod majus subsidium in tentationibus posito, quæ major felicitas, & gratia in quavis adversitate, ac in primis mortis tempore, quàm habere Matrem Jesu in Matrem suam, esse Matri Jesu in ejus filium, nec unquam dum spiras, deserere Jesu crucem.

Septima Petitio. *Sed libera nos à malo.* Septimum verbum Domini, in cruce. *Pater, in manus tuas commendo Spiritum meum.* Hoc verbo Jesus conclusit vitam & Passionem suam, cumque isto verbo, portas mortis subintravit. Quid tu igitur ô homo tibi desideres & quæras amplius, quàm ut exemplo Christi Jesu commendatâ & traditâ in manus Patris Æterni animâ tuâ, exeas ex hoc misero mundo ad Patrem? Nunc dum licet per vitæ tempus eam tibi apud Patrem Deum para fiduciam. Nunc ama & imple omnem voluntatem Dei. Sic in hora mortis,

Ccc 5

tis,

tis confidenter dices Deo; Pater, in manus tuas commendo spiritum meum.

ACCOMMODATIO III.

Conferre septem loca Passionis Dominicae, cum septem postulationibus Orationis Dominicae.

Pater noster qui es in caelis. Passio Salvatoris nostri, est veluti semita ad caelum & vitam aeternam: qua de re certos nos reddidit, ipse Dominus, cum post Resurrectionem suam, dixit discipulis suis. Oportuisse Christum pati, & ita intrare in gloriam suam. Insiste igitur huic semitae & tu, ac inter indubitata salutis consequenda, signa connumera, si quando te Dominus Iesus dignatur participem facere crucis & Passionis suae.

Prima Petitio. Sanctificetur nomen tuum. Primus Locus Passionis Domini est. Mons Calvariae, in quo Dominus Iesus crucifixus & medius latronum statutus, adimplevit illud promissum suum. *Et ego si exaltatus fuero à terra, omnia traham ad me ipsum;* ad fidem scilicet notitiamque veri Dei, ad sinceram quoque ejus dilectionem, ad mundi ejusque vanitatum contemptum.

O Bone Iesu, ecce cor meum terrae affixum, amoris proprii, plurimarumque curarum sarcinâ gravatum, affectibus & passionibus immortificatis, inordinatis infectum, ad tuæ Majestatis voluntatisque obsequium rebellem; trahe quaeso illud, ad te, omnipotenti gratiâ tuâ, & voluntate, ut Sanctissimum Majestatis tuæ nomen sanctificet, ac veneretur.

Secunda Petitio. Adveniat Regnum tuum.
Alter

g: D.
Bic
oper:
Tom
N
8

Alter Locus Passionis Domini fuit ; Prætorium Pilati, coram quo Dominus noster Regnum suum spirituale confessus est, & à Pilato Rex nuncupatus, & concupiti regni nomine a Judæis accusatus, eadem de causa ibidem spineo diademate coronatus, purpurâ vestitus, Rex genu flexo consalutatus, sceptro arundineo, consputationibus & alapis dignatus est.

O mi JESU, quàm magno Tibi constat hoc miserum satis super nos peccatores, & inutilissimos homunciones Regnum ! O nullum sinas dominari nobis Dominum, præter Te Domine JESU Rex vere. Ecce enim superbia dicit nobis ; Ego regnabo. Ecce ira dicit ; Ego Rex ero. Ecce Avaritia, Invidia, Luxus, Acedia, volunt regnare super nos. Averte mi JESU hos Reges à nobis : Tu solus esto Rex noster. Tu solus posside nos. Sit regnum tuum, maneatque in nobis & nos in eo. Ut Tu in nobis, & nos Tecum regnemus in sæcula.

Tertia Petitio. *Fiat voluntas tua, sicut in celo & in terra.* Tertius Locus Passionis Christi, Hortus ; In quo Dominus JESU posteaquam se totum voluntati Paternæ permisit, sponte quoque suâ, suis qui eum ad necem quærebant hostibus obviam venit, seseque obtulit. Non inhibuit Dominum JESUM ab amore & obsequio voluntatis Divinæ gravitas rei imperatæ prorsus gravissima ex omni genere circumstantiarum. Cujus gravissimi oneris effectus, in sudore sanguineo agoniaque mortali patuit, quando instar botri, in torculari pressi vel calcati, omnibus membris ejus guttæ sanguinis decurrentes, in terram emanârunt, est ò hæc pressura in sola duntaxat

taxat mentis apprehensione fuerit peracta, & ne dum in opus externum re ipsâ producta.

O utinam aliquando in cordibus nostris ita pretiosa, æstimabilisque fiat Divina voluntas, ut illam omnibus rebus, illi autem nullam rem omnino præferamus, propter nullas nostras privatas cupiditates, propter nullas humanas rationes, eam transgrediamur, sed potiùs eam semper plene toto cordis conatu exsequamur, illi conformemur, in illam transformemur, illi ad instar Domini JESU libenter, fortiter, constanterque adhæreamus, & subjiciamur.

Quarta Petitio. *Panem nostrum quotidianum da nobis hodie.* Quartus Locus Passionis Christi fuit Cænaculum, in quo postquam se Dominus JESUS, ad usque discipulorum pedes lavandos abjecisset, stupendumque illud humilitatis magistrum factum, & verbo exhibuisset: deinde sub speciebus panis & vini Corpus & Sanguinem suum fidelibus suis, in cibum & potum animabus salutarem obtulit, & reliquit.

O verè dilexisti nos Domine JESU usque in finem? O homo, ecce Deus tuus, exhaustis omnibus liberalitatis suæ modis, totum se tibi impendit, & quidem in cibum etiam potumque impendit, idque eò solùm, ut tu vicissim te illi impendere ne graveris. Et audes etiam nunc moras neclere, audes iniri rationes accepti & dandi? Nunquid credis plus te daturum Deo, dando te ipsum, quàm accepisti ab eo, accipiendo illum ipsum? Pro! monstrum humanæ, seu stultitiæ, seu sterilitatis, quæ dans se Deo, & accipiens Deum sibi, etiam veretur ne fortè plus dederit quam acceperit? Redde igitur, redde te Deo tuo, & red-

g: Di
Bic
oper:
Tom
N
8

& redde totum, redde guttam, & accipies mare; redde granum, & accipies acervum; redde atomum, & accipies universum: redde nihil, & accipies totum. Permite te Providentiæ Dei, qui semetipso pascit, & nutrit, & saginat te, sine ut vicissim pascatur, nutriatur, sagineturque te, profectu tuo, amore tuo, desiderio tuo. Si Panis ejus, qui est panis tuus, etiam enim Deus esurit à te ipsum te, sicut & tu mendicas à Deo ipsum se, panem quotidianum.

Quinta Petitio. *Et dimitte nobis debita nostra, sicut & nos, &c.* Quintus Locus Passionis Christi Domus Caiphæ Pontificis fuit: ubi Dominus noster falsò accusatus, malignè judicatus, injustè innocens ad mortem damnatus, crudeliter totâ nocte, tormento & contumeliâ interrogatus est. Numera & tu quoties in omni vita tua, Deus justo suo judicio invenit te reum mortis, & tamen usque hodie pepercit tibi oculus ejus: & misericordia Dei fecit, quòd nec dum in inferno habitet anima tua. Nonne supplicabis ardentissimè huic Amori tuo, ne abbreviet, amoveatque à te misericordiam suam, sed propter omnes injurias illas, quas propter te in domo Caiphæ totâ nocte sustinuit, condonet tibi iniquitates tuas, obliviscaturque injurias suas, donetque tibi cor misericors, & injuriarum facilè constanterque obliviscens, ut ita proximi debitores tui referant à Te veniam debitorum suorum: sicut tu optas & petis tibi à Deo referre condonationem debitorum tuorum.

Sexta Petitio. *Et ne nos inducas in tentationem.* Sextus Locus Passionis Christi Palatium Herodis Regis, in quo Dominus JESUS, Majestas utique suprema, & Sapientia Æterna, pro stulto, pro

pro ridiculo, pro infano reputatus est, & fatuorum morionumque albâ veste indutus, omnium sannis & jociis expositus est. Sic scilicet vera virtus, humilisque ac pauper innocentia, apud homines præsertim sæculi hujus pullos, & mundi Sapientes, æstimatur infania & sine honore, derideturque justî simplicitas, ab his qui astuti sibi videntur. Sed venient dies, quibus serò errorem cognoscentes, ipsi contra se sententiam ferent dicentes, & præ angustia spiritûs gementes. Ergo nos insensati, erravimus à via veritatis. Neminem igitur pauperem despexeris, neminem justum, & innoxium abjeceris, neminem derelictum deserueris, neminem simplicem & rectum irriferis unquam; omnium enim horum causa derelicta est Deo, & ipse causas eorum intuetur, simul ac tuetur. Quod site ob Dei aut virtutis negotium, studiumve contemni, fatuumve reputari contingat, gloriare in isto nomine, & peculiarem id, Dei erga te favorem reputa. Etenim qui propter Jesum despicitur, hic ab Jesu coram Patre Cœlesti ejusque Angelis prædicatur.

Septima Petitio. *Sed libera nos à malo.* Septimus Locus Passionis Christi, sepulchrum, in quo Dominus Jesus de cruce depositus, matris delibutus lacrymis, sepultus est. Non deposuit se ipsum de cruce Dominus, neque sponte suâ eam deseruit, non interrupit cursum Passionis suæ, non à tramite Paternæ voluntatis deflexit, donec in sepulchro clausus quiesceret. Va-de, & tu fac similiter, tuis laboribus in via virtutis perfectionis, operumque bonorum, in bajulatione crucis Christi, & persecutionum propter just-

g: Di
 bic
 oper:
 Tom
 Ne
 8

justitiam, sola mors, solumque sepulchrum faciat finem. Quamdiu tempus mercaturæ est, negotiari ne desine, dum tempus habes bonum operare, donec vesper mortis adveniat, labora in vinea Domini, usque dum accipias diurnum denarium, in presenti quidem gratiæ, & meriti, in futuro autem gloriæ & præmii: usque dum dicat tibi spiritus, ut requiescas à laboribus, à tentationibus, à conflictibus tuis, usque dum detur tibi merces magna nimis in manus, possessio scilicet omnis boni, & securitas ab omni malo in æternum.

ACCOMMODATIO IV.

Accommodando septem Petitiones Orationis Dominicæ, totidem convulnationibus Christi Domini.

Pater noster qui es in caelis. Dominus JESUS Christus noster est in Cœlo Mediator & Advocatus apud Patrem: cujus in omnibus necessitatibus nostris vultui assistit pro nobis, ostentans ei vulnera, quæ pertulit pro nobis in corpore suo, & veluti ad Patrem ita perorans. Quoniam ego vulnera ista, propter obedientiam tuam, & propter salutem humanam pertuli, non ergo pereant hi, quos adeò pretioso lytro redemi, &c. Ea propter Dominus JESUS, etiam in glorioso corpore prodiens è sepulchro, reservavit nihilominus præcipua manuum, pedum, & lateris vulnera, ut ejus ad Patrem interpellatio pro nobis efficacior, & salus redemptioque nostra certior quodammodo fieret. Ad hæc ergo vulnera confuge, hæc Patri Æterno repræsentata, ex his auxilia

auxilia salutis pro me, his te ab justa ira vindictæ
que Dei protege.

Prima Petitio. Sanctificetur nomen tuum. Pri-
ma Convulneratio Capitis Christi Domini à spi-
nea corona, quâ sacratissimum Christi caput
multipliciter, & profundè lethaliterque convul-
neratum, proposuit simul universo mundo spe-
ctandum, verum Christum sive Unctum Domi-
ni, non oleo quopiam, sive unguento, sed san-
guine proprio. Hujus tam pretiosæ copiosæque
unctionis cum capite, simul facti sunt participes
etiam capilli, hoc est, fideles & amatores omnes
Christi. Esto & tu unus ex capillis Jesu oleo
pretiosissimi sanguinis intinctus, sed ita ut in-
hæreas capiti, neque à capite decidās, neque te-
dolosa Dalila abradat. Indecorum quidem est
capiti capillis nudari, sed & capillo nullum pre-
tium est avulso à capite. Ornant & vestiunt ca-
pilli caput suum, orna & tu caput tuum Jesum,
moribus & actibus tuis, sanctificeturque nomen
ejus ex omnibus sanctis operibus tuis.

Secunda Petitio. Adveniat regnum tuum. Se-
cunda Convulneratio dextræ manûs Christi, ad
quam manum Dominus Jesus latronem bonum
pœnitentem & confitentem habens, eundem de
cruce in Paradisum ac Regnum suum transtulit.
Ne invidie bonam fortunam latroni fortunato.
Sed tamen, eandem tibi ipsi desidera, & postula.
Sic Dominum tuum, estò crucifixum, estò
crucifixus, semper confitere, ut te suâ dextera,
propter amorem tui vulneratâ, complectens ac
benedicens, introducat in Paradisum, & in Reg-
num suum.

Tertia Petitio. Fiat voluntas tuâ, sicut in celo

g: Di
bict
oper:
Tom
Ne
8

Et in terra. Tertia Convulneratio, dextri Pedis Christi, qui propterea vulneratus est, ut semitæ vestigique & ambulationes cordium nostrorum, merito sanguinis ejus, nec non doctrinâ & exemplis illius corrigerentur, & in exsecutione voluntatis Divinæ erudirentur. Amplius ergo ne jam exeres, neque declines in partem malam, propriæ tuæ voluntatis, sed ita exsequere omnia, quæcunque Deus tuus vult, sicut exsequuntur Sancti omnes in Cælo, sicut exsequebatur cor ipsius JESU in hac vita, sicut exsequitur ipsemet Deus omne beneplacitum suum in perpetuam gloriam suam.

Quarta Petitio. *Panem nostrum quotidianum da nobis hodie.* Quarta Convulneratio lateris JESU, per cujus apertionem emanavit thesaurus Sacramentorum, & penu omnium spiritualium alimentorum, quibus animæ nostræ cibari, nutrirî, & saginari delectabiliter salubriterque possent in omnem vitæ æternitatem.

Dulcis JESU admitte animam meam ad hunc aquæ vivum fontem, hoc est ad lateris cordisque tui amabilem scaturiginem, ut ex ea sugat cibum, potumque salutarem Sacramentorum tuorum, hauriat exinde panem quotidianum super-substantialem, ac cœlestem, quo in labore peregrinationis hujus vitæ confortetur, donec per auxilium gratiæ tuæ, feliciter ad patriam perveniens inibi fruatur Te, Pane vitæ æternæ, quo nutriuntur omnes Sancti, & Electi tui in Cælo.

Quinta Petitio. *Et dimitte nobis debita nostra, sicut Et nos dimittimus debitoribus nostris.* Quinta Convulneratio totius corporis, in flagellatione

V.P. Druzb. Op. VIII.

Ddd

illa

illa crudeli, in qua Dominus IESUS, ob multitudinem plagarum, à planta pedis ad verticem Capitis vulneratus, & veluti in unum quoddam perpetuumque vulnus, totum per corpus immutatus est.

Tua hæc imago est, ô Anima mea, tui est verissima effigies, tu es à tuis iniquitatibus convulnerata, & tantum non in ipsam iniquitatem immutata, cumulatam est vulnus tuum, super vulnus, nimirum peccatum peccato superadditum, en tamen in promptu medicina est. Ex integro scilicet saucius IESUS, ad integram sanitatem tuam. Sana Bone IESU, sana omnium peccatorum meorum vulnera, vulneribus membrorum tuorum: dele omnes iniquitates meas, copiosâ & redundante redemptione tuâ: & ego vicissim deleo de corde meo, omnes offensas, omniaque debita inimicorum, ac debitorum meorum sincerâ dilectione tuâ.

Sexta Petitio. *Et ne nos inducas in tentationem.* Sexta Convulneratio, Sinistri Pedis Christi. Sinister pes cordium nostrorum est propensio ad malum voluntatum nostrarum, hunc pedem ad lapidem offendimus, quàm frequenter, tam & periculosè, hoc pede appropinquamus usque ad portas mortis; ideo amator animarum nostrarum IESUS, sinistram pedem suum transfigi voluit, ut corda nostra ex diaboli laqueis expediens illa post se incedere faciat, & per semitas Justitiæ gradientes, usque in regione vivorum eadem constituat.

Septima Petitio. *Sed libera nos à malo. Amen.* Septima Convulneratio Sinistræ manus Christi. Tremendo privilegio, an verius gladio obarmata est,

g: Di
bict
oper: 2
Tom 2
N 2

est, sinistra manus Domini: ad sinistram enim ipsius stabunt hædi ab ovibus separati, hoc est reprobi, & impii omnes, æternæ damnationis fulmineam sententiam expectantes.

O mi JESU; ergone hunc in finem sinistra tua vulnerata est, ut ex ea non salutifer sanguis, sed igneus damnationis furor stillet super peccatores? transfer dulcis & pie Domine JESU, transfer nos peccatores licet, redemptos tamen tuos, à sinistra tua, ad dexteram tuam, & nos libera à malo, à peremptorio nimirum decreto furoreque tuo. Non audiamus à Te Domine amarum illud verbum: Ite maledicti: sed potius sonet in auribus nostris, vox tua illa dulcis. Venite benedicti, &c.

ACCOMMODATIO V.

Accommodando septem Petitiones Orationis Dominicæ totidem comitibus, seu totidem condimentis Passionis Christi.

Pater noster qui es in Cælis. Considera Dominum JESUM esse nostrum exemplar & speculum, tam vivendi seu agendi, quàm patiendi in præfenti vita, quod speculum in omni quidem vita & opere Domini, at potissimum & luculentissimè in Passione ipsius elucescit. Convertite itaque & defige oculos tuos in speculum istud, inspice, & secundum illud fac, attendens diligenter, ne qua ex parte dissimilem te Christo Domino effingas. Frustra enim obstrepit Deo, *Pater noster qui es in cælis*, ille, qui JESUM Crucifixum non effixit in se, qui non portat stigmata

D d d 2 Domi-

412
28
s III
7

multitu-
cem Ca-
uoddam
pus im-
ni est ve-
ous con-
quiritatem
i, super
peraddi-
est. Ex
am sani-
um pec-
embro-
eas, co-
& ego
ffensas,
bitorum
tionem.
ti. Si-
nsio ad
dem ad
tam &
s usque
um no-
tranfigi
s expe-
semitas
ivorum
Amen.
Christi.
armata
est,

Domini JESU in se, qui Passionis ejus socios non
adscivit ad sese.

Prima Petitio. *Sanctificetur nomen tuum.* Pri-
mus JESU Patientis socius & Comes fuit, Con-
temptus, vilipensio, inhonoratio, & omnis glori-
æ detractio. Totus vitæ Christi Domini decur-
sus istiusmodi sociis familiaribusque fuit stipa-
tus: attamen Patienti illi vel maximè frequenter
adfuit, adeò, ut in quovis momento & articulo
Passionis suæ usurpare potuerit Dominus verba
illa sua? *Ego honorifico Patrem meum, vos autem
inhonorastis me.* Et tu ergo ô homo, propter
contemptum JESUM, elige & desidera contemni.
Hic tibi sit unicus honor, hæc tua maxima vene-
ratio atque glorificatio, & exultatio, propter
honorem, propter voluntatem, propter amo-
rem, propter imitationem, despecti vilificati-
que JESU, despici, contemni, vilificari. Dignus
est utique Deus Dominus noster, ut nos alio-
qui naturâ vilissimi servi ejus, propter honorem
ipsius, per omnia vilificemur, estò ille nostri
causa nullatenus contemptus foret, quando verò
magis par est, nos penitus penitusque exinaniri,
atque pulverisari nunc, quando videmus propter
amorem nostrî Deum nostrum usque adeò con-
temptibus saginatum, opprobriisque saturatum,
& prorsus per omnem suam capacitatem exple-
tum. O verè dignum & justum est, ut per con-
temptiones vilificationesque nostras, honorifi-
cetur, & exaltetur Deus noster, sanctificeturque
nomen sanctum ejus.

Secunda Petitio. *Adveniat Regnum tuum.* Se-
cundus JESU Patientis socius fuit, Paupertas,
Mendicitas, Nuditas. Hunc socium JESUS ha-
buit

g: D:
bic
oper:
Tom
N
8

buit ab ipsa Nativitate sua, quæ ad eò mendicitatis plena fuit, ut stabulo & præsepi, & feno, à jumentis emendicato, utendum illi fuerit. Ea tamen paupertas ultimam suæ perfectionis soliditatisque metam, in Passione demum & morte assecuta est. Pendens enim in cruce amabilis JESUS, re ipsa atque veritate demonstravit, sese & volucris, & vulpeculis, esse ac mori pauperiorem atque nudiozem. Habent enim isthæc animantia nidos suos, foveas suas, in quibus quiescere & fovere se possunt: at JESUS neque ubi caput reclinaret, neque ubi moreretur, neque ubi demum sepeliretur, locum suum habuit. Assume tu quoque, ô homo, juxta status vitæque tuæ conditionem, mendicitatem & nuditatem JESU in Comitem. Esto Pauper spiritu, esto nudus ab omni, ad te, & creaturas omnes affectu, esto solutus à superfluarum, à commodarum, à necessariarum etiam rerum cura, esto liber ab omnibus amoribus, & studiis, & possessionibus & proprietatibus earum rerum, quæ Deus non sunt. Sis ditissimâ; hoc est, nudissima Paupertate stipatissimus, & tunc adveniet tibi Regnum Patris, audiesque à Domino verbum illud: *Beati Pauperes Spiritu, quoniam ipsorum est Regnum Cælorum.*

Tertia Petitiõ. *Fiat voluntas tua, sicut in cælo & in terra.* Tertius Christi Comes Infirmetas, Coactio, & Impotentia. Etsi enim Dominus oblatus est, quia ipse voluit: & nemo tollebat ab eo animam ejus, sed ipse pro potestate atque voluntate ponebat, iterumque sumebat illam, nihilominus in omni Passione sua videri volebat planè impotens & insufficiens, tam ad effu-

giendum, quam resistendum Passioni & inimicis
 videri volebat Prudentiâ sagacitate, consilio
 potentiâ, æquitate denique adversariorum suorum
 captus, convictus, coactus, superatus, &
 omnia tormenta, mortemque ipsam passus. U-
 que adeò Dominus Iesus, suæ tum ad Dei Patris
 voluntatem absolutæ subjectioni, tum suæ pro
 nobis patiendi, debitaque nostra ad novissimum
 quadrantem exsolvendi cupiditati indulgit, ut
 Passionem suam per omnia summa & acerba
 exaggeratam, omnis verò absolutè mitigatio-
 nis, & solatii, imminutionisque expertem esse
 voluerit: eaque de causa, totam suam volunta-
 tem, potestatem, sapientiam, libertatem, à se
 ablegarit, omnemque illam, non tantum Patris
 Æterni placito, & honori, verùm etiam hosti-
 um suorum arbitrio, & potestati, tanquam in-
 strumentis, consilio, & decreto Dei famularan-
 bus permiserit: adeò ut verissimè dictum fuerit
 à Propheta. *Fecerunt in eo, quæcunque voluerunt.*
Marc. 9. 12. Et iterum: *Satiati sunt panis meis.* Etrur. *Fa-*
Job. 16. 11. *Etus sum sicut homo sine adiutorio.* Atque hæc de-
Pf. 87. 5. mum est vera fames sitisque patiendi; talis de-
 bere esse Patientia perfecta amatorum & imita-
 torum Christi Passi, ut nimirum sic pati velint,
 sic patiantur, quasi nocentes, estò innocentes;
 quasi impotentes ad resistendum, estò sufficien-
 tes & validi; quasi iuste ac debire, estò contra
 jus & fas, non comminantes, non resistentes,
 non malum pro malo reddentes, sed malum in
 bono vincentes, inimicos excusantes, defen-
 dentes & vero corde amantes, atque inter be-
 nefactores & amicos reputantes. Hujusmodi
 Patientia opus perfectum habet, hujusmodi Pa-
 tientia

g: Di
 bic
 oper:
 Tom
 Ne
 5

tientia, Charitatis & Humilitatis est, hujusmodi Patientia ab amore proprio, à vanitate, & superbia procul est, hujusmodi Patientia Christi Patientiæ æmula, vicina, & socia est.

Quarta Petitio. *Panem nostrum quotidianum, da nobis hodie.* Quartus JESU in Passione socius fuit. Labor, Fatigatio, Debilitatio, Defatigatio. O quanto labore laboratum, sudatumque est à Domino JESU, ut exiret à nobis nostra rubigo, & ferrugo! O quanti constitit! quantarum fatigationum mellis Christo Domino fuit, tum obedientia ad Patris Æterni voluntatem, tum conatus elaborandi nostrum omnium æternam salutem! Et Adamo quidem dictum est. *In sudore Gen. 3. 19. vultus tui vesceris pane tuo.* Noster autem Redemptor toto corpore sanguinem sudare, omnem carnem suam innocentissimam, plagis, livore, vulneribus convestire, totum sanguinem profundere, vitam ipsam animamque ponere necesse habuit, ut abominandam scabiem foeditatemque peccatorum nostrorum elueret ac crateret, æternæ autem felicitatis vestem nobis indueret. Et post hæc omnia nos tamen homunciones ad laborem sicut volucres ad volandum natos, pro salute nostra æterna tantillum laborare sudareque piget. Et quis est qui ad sanguinem usque peccato resistat? quis est qui velit servire Christo usque ad defatigationem?

O laboriose & nostræ causa defatigate JESU, sudore tuo quæso dulces nobis levesque fac omnes labores & fatigationes nostras, propter voluntatem & gratiam tuam, propter exaltationem & gloriam tuam, propter salutem, & per-

D d d 4 fectio-

fectionem nostram, & fratrum nostrorum, & eternam.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintus JESU in Passione fuit Socius, Sterilitas, Infructuositas. Post tantos enim sumptus, post tantos labores, quos Dominus JESUS nostræ salutis, ac redemptioni impendit: quibusque mille mundorum millia redimere, salvare, ac æternæ gratiæ, gloriæque opibus ditare supra modum poterat, nihilominus exiguum valde numerum electorum, ex non minùs tremendo, quam pulso Patris Æterni decreto accepit, teste ipsemet Domino JESU dicente toties. *Multi vocati, paucè verò electi:* quasi diceret. Multi quidem sanguine meo redempti, pauci tamen efficaciter salutem adepti. Cùm Dominus JESUS terris relictis Cælos conscenderet, quingentos vix fideles discipulosque suos reliquit: heu quam exigua messis, tam copiosæ sementis, quam ipsemet Dominus JESUS, utique non insipiens agricola & seminator, sparserat!

O JESU quàm parcos & raros nunc quoque fructus laborum tuorum colligis, quantam liberalitatem retribuunt tibi etiam nunc Animæ nostræ? licet castu, tam crebrò, tamque copioso sanguinis, ac meritorum, & gratiarum tuarum imbri perpluis, & inundas. O Anima mea redi aliquando ad cor, & computa aliquando sumptus Domini tui, super te, debitorum tuorum rationes collige, vide quantis obstricta sis, quam solvendo minimè sis, in quantis te accusant? clama procidens ad Dominum: *Misericordiam habe in me, & antiqua debita mea, errata sce-*

Matt. 22. 14.

g: Di
 bic
 oper:
 Tom
 Ne
 &

ta sceleraque mea, sterilitatem ac infructuositatem meam, condona mihi, ego autem deinceps cum gratia tua, uberiores fructus, bonorum operum, fructus virtutum sanctarum, fructus sanctitatis, & justitiæ, fructus honoris, & gloriæ tuæ afferam.

Sexta Petitio. *Et ne nos inducas in tentationem.* Sextus Passionis Dominicæ Comes fuit, Ingratitudo, quàm Dominus JESUS enormiter & extreme grandem gravemque pertulit, nominatim ab illo, sibi dilecto, & electo Judæorum populo: ab eo enim post infinita, eaque singularia beneficia, solidam ingratiissimi animi mercedem recepit. Quos ille honoravit & exaltavit, ab ipsis contemptus, & despretus est; quos, miraculis edidit, sanavit, ab his vulnere, super vulnere concisus est; quibus vitam dedit, ab iis crudeliter occisus est; retulit ab eis pro amore odium; pro beneficiis maleficia; pro benedictionibus, maledicta; pro sincero, & paterno affectu, hostiles dolos, & fraudes, & molestias. O quàm durus fuit hic Comes ingratiitudinis, beneficentissimæ, & ad bene de aliis merendum, promptæ, ac natæ, Christi indoli! Sed nunquid non idem prorsus condimentum, largitatis, ac beneficentiæ suæ, reportat etiam à nobis Dominus JESUS? Nonne quantò ille in beneficiis, super nos, profusior, tantò magis nos, in ipsum ingrati? Ideo etiam angustatur manus largitatis divinæ super nos, ideo parcior nobis liberalitas gratiæ Dei, ideo subtrahitur nobis in tentationibus robur, in periculis protectio, in difficultatibus auxilium, in dubiis lumen veritatis, in arduis spei firmitas, in frigore fervor charitatis. Vin-

D d d 5

cimur

cimur ab hostibus, tam visibilibus quam invisibilibus, damur in derisum, & opprobrium, his, qui oderunt nos: quia relicta est nobis domus nostra deserta, quia per ingratitude nostram Bonitas & Largitas Dei, procul est repulsa. Oportet itaque reddere grates, pro gratis Deo si volumus habitare in beneficentia, & protectione Altissimi; oportet etiam ingratum nostrum benefacere propter Deum. ut ingratitude fatiati Jesu socii efficiamur, utque fiamus filii Patris nostri, qui pluit super justos, & injustos, & Solem suum oriri facit, super bonos, & malos: qui denique pro istis ipsis, sanguinem fudit, animamque suam posuit, à quorum manibus, & furore, illum fudit, illamque posuit.

Septima Petitio. *Sed libera nos à malo, Amen.* Septimus Jesu Patientis socius fuit. Dolor, & Cruciatu: quem, etsi totam vitam suam, adjunctum sibi habuit, peculiariter tamen ille Jesum in Passione comitatus est, adeo, ut ea de causa, vir, & quasi Rex; aut verius, Regnum dolorum vocatus sit. Quia enim super Dominum Jesum posuerat Pater iniquitates, omnium nostrum, idcirco etiam disciplina pacis nostrae, idcirco omnis poena, & castigatio omnium, & singularum iniquitatum nostrarum, venit, & incubuit super eum. Quare secundum multitudinem, & magnitudinem, peccatorum nostrorum, quae in se Christus susceperat, multitudinem etiam, & magnitudinem, castigationum, suppliciorumque, consequenter dolorum, & cruciatuum aequalem, immo longè superiorem suscepit, atque sustinuit. Ergo jam quisquis volens metire, & penetra abyssum hanc dolorum Jesu Christi

g: Di
 bict
 Oper: a
 Tom 1.
 N^o 8

Christi quod si minimè prævalet, hinc saltem disce, & comprehende, ex quibus, & ex quantis, tandem malorum, & dolorum abyssis, tu sis per dolores Jesu Christi, extractus. Ut enim tu non habitares cum ardoribus sempiternis, ut non saliret igne, ut non viveres in combustione, & morte æterna, Dominus & Redemptor tuus, Jesus, venit in altitudinem maris, dolorum, & tempestas Passionis, atque cruciatuum demersit eum. *Ps. 68. 3.*

ACCOMMODATIO VI.

Conferendo septem injuriosas Christi Domini compellationes: quas ab inimicis in Passione retulit, septem postulationibus Orationis Dominicæ.

Pater noster qui es in cælis.]

Considera Christum Dominum esse verissimam & ipsissimam Dignitatem Excellentiamque tum rerum omnium, tum maximè fidelis populi sui Christiani: non ob id solùm, quia ille est per Christum, ab æterna illa damnationis, & proscriptionis infamia liberatus; neque ob id tantùm, quia idem populus est per Christum coheres Regni cœlestis institutus: verùm etiam ob id, quia omnes nationes Christianæ nihil habent, unde veriùs, justius, sinceriùsque gloriari possint, ac debeant, quàm ex Jesu Christo Crucifixo, contempto, inhonorato. Hic est germanus genuinusque sensus totius Christianæ Ecclesiæ, cum Apostolo Paulo affirmatè dicentis. *Mihi absit gloriari, nisi in Cruce Domini nostri Jesu Christi.* *Ad Gal. 6. 14.* E tu ergo si inter Christianæ Ecclesiæ, veros filios numeraris, nefas ducito gloriari in aliquo, præter

præter JESUM Crucifixum : sed ille unus ac solus, tibi sit honor totus, ille dignitas omnis, illi tituli omnes, ille amplitudines omnes, laudes atque Majestates. Sit Judæis scandalum, Genibus stultitia, & Tibi cum omnibus electis Virtus Dei & Sapientia, & excellentia, & omnis Decor.

Prima Petitio. *Sanctificetur nomen tuum.* Primum Patientis JESU Cognomen fuit, Blasphemus, & impia de Deo indignaque loquens. Retulit hoc Cognomen Dominus JESUS, verus & consubstantialis Dei filius, *candor lucis æternæ*, tum ante Passionem, tum præcipuè Passionis tempore: aded ut hanc præcipuam causam, prætenderint Judæorum Primores, mortis Christi, *Blasphemavit*: exclamat Caiphas, *ecce nunc audistis blasphemiam*, quid vobis videtur? at illi (universum scilicet Concilium) exclamaverunt.

Matt. 26. 66. Reus est mortis.

O mi JESU tu in omni super terras vita tua id unum solumque præcipuè laborasti, ut manifestares Patris tui nomen hominibus, ut honorificares Patrem tuum, & clarificares super terram: & ecce nihilominus, tanquam in Deum injurius atque blasphemus reputaris; appellaris, mortique addiceris: ita etiam Christi servorum conatus omnes, labores, sumptus omnes, consilia, apparatus omnes, quanto purius, sincerius, fructuosius, in exaltationem divini nominis & in propagationem gloriæ ipsius, diriguntur, exercenturque: tanto in deterius & obliquius à linguis, censurisque de vulgo, & etiam non de vulgo hominum detorquentur. Sed talium hæc est consolatio singularis, quod vestibus, insignibusque sui Imperatoris induantur: ejusque

titulo
vitæ
men
re

Sec

fus

Con

scer

riè

etia

mn

stat

latu

ate

Rex

volu

eme

præ

pass

quæ

gnu

voc

ope

gnu

& i

ditio

gen

Chr

accu

quæ

oste

sed

titulo

g: Di
bict
oper:
Tom
Ne
8

titulorum participes fiant, & nomen Dei revera vitâ factisque suis sanctificantes, à mundo tamen, & filius mundi probrum & improprium reportent.

Secunda Petitio. *Adveniat regnum tuum.*
 Secundum Christi Passi Cognomen. Ambitiosus Regni que appetens, falsus Rex. Ea propter Coronâ spineâ redimitus, purpurâ indutus, sceptrò arundineo, genuflexionibusque illusoriè ornatus, & Rex consalutatus est. Eapropter etiam ad Crucem (quæ pœna ambitus fuit) damnatus, inter latrones medius, ut latronum Rex status, denique Rex Judæorum scripto appellatus est. Ita Rex æternæ Gloriæ, tanquam Rex æternæ infamiæ, ab hominibus illusus est. Ita Rex Regum ad proprium Regnum pervenire voluit. Ita Rex & Deus noster nobis Regnum emereri cœleste, nosque suum Regnum facere prælegit. Nos autem, pro quam testudineo passu vestigia Regis hujus nostri sectamur! pro quam puerili futilique labore, ad æternum Regnum pervenire conamur! Clamamus quidem voce frequenter: *Adveniat regnum tuum*, sed opere vicissim reclamamus, Recede à nobis Regnum Dei.

Tertia Petitio. *Fiat voluntas tua, sicut in Cælo & in terra.* Tertium Cognomen Passi JESU, Seditiosus. Commovens populum. Subvertens gentem, &c. Atque hæc prima primariaque fuit Christi apud Pilatum, per Principes Judæorum accusatio. Hac etiam de causa Barabbam magis, quam JESUM petierunt dimitti, vitæque donari, ostensuri scilicet incomparabiliter JESUM magis seditiosum esse, quam Barabbas fuisset. Hoc
 Cogno-

Cognomen acquisivit Christus per hoc, quia tam verbis, quam factis, omnes homines ad agnitionem, amorem, subjectionem, impletionemque Divinae voluntatis perducebat. Et hoc id hodieque usitatissimum in mundo. Si enim obedire velis magis Deo, quam hominibus: majorem habeas rationem conscientiae, legis divinae, aequi & veri, quam humanarum phantasiarum; illico tibi seditiosi, arrogantis, filii Beelial, & sine jugo, inobedientis, turbatoris pacis, nomen cognomenque subeundum est. Sed mirum antiquitus Sancti Dei homines obloquentibus istis obstruebant os, dicentes: *Si jussum est in conspectu Dei vos potius audire, quam Deum, judicate.* Et rursus. *Obedire oportet Deo magis quam hominibus.* Usurpavit id ipsum & Dominus Iesus. *Sicut mandatum dedit mihi Pater: sic facio.* O Sanctam & laudabilem hanc arrogantiam, adhaerere Deo, insistere ejus voluntati, honorare magis Deum, quam idolum respectum humanorum. Quis det ad hanc seditionem commovere omnes gentes, ut conculcato idolo (quid dicent) omnes uno corde, ore, opere, dicant Deo semper; *Fiat voluntas tua, sicut in Caelo & in terra.*

Quarta Petitio. *Panem nostrum quotidianum da nobis hodie.* Quartum Cognomen Domini Iesu Patientis fuit, Malefactor, & per omnia improbus, & cujus vita fuerit male agere, atque sicut aquam iniquitatem bibere. O mare omnis bonitatis probitatisque Domine Iesu, qui peccatum non fecisti, in cujus ore dolus, in cujus corde iniquitas, reperiri non potuit: cui testimonium perhibuit turba dicens.

Bene

g: Di
 bick
 oper: 22
 Tom 2. 1.
 Ne 8

Bene omnia fecit : huc tandem reciderunt omnia, ut malefactor, & per omnia nequam appelleris? Consolamini iusti, & benefacientes omnes, nisi grana bonorum operum vestrorum terræ invidiæ, & maledicentiæ insepeliantur, & oblocutionum, censurationumque fimo lapidentur, & obruantur, nullum fructum afferent, sed ipsa sola sterilia remanebunt: quod si in linguis, & censuris humanis fuerint macerata, & mortificata, afferent sine dubio æternitatis fructum, etiam centesimum. Indubitatissimum enim uberrimæ in Cælo messis signum est, copia detractorum in mundo. Idcirco Dominus suis imitatoribus dicebat. *Beati eritis cum maledixerint vobis homines, & dixerint omne malum adversum vos, mentientes, propter me, gaudete & exultate, quia merces vestra multa est in Cælo.* Da igitur nobis Domine panem hunc, semper quotidianum in hac vita, confectum ex detractionibus & censuris hominum, in crastino autem, hoc est in altera vita da nobis panem, ex gratia & gloria tua æterna, præparatum.

Quinta Petitio. *Et dimitte nobis debita nostra, sicut & nos dimittimus debitoribus nostris.* Quintum Cognomen Christi Patientis fuit, Reus est mortis, debet mori, filius perditionis & mortis. Verè Domine Jesu dignus, & reus, & Filius eras mortis, qui factus es pro nostris peccatis hostia & oblatio, super quem, positæ sunt iniquitates omnium nostrum, ut in Te, & per Te expientur, usque ad exsationem Justitiæ Paternæ. Propter hoc autem nos ex filiis iræ, facti sumus filii gratiæ; ex filiis mortis, filii vitæ; ex filiis damnationis, facti sumus filii regni, & beatitudinis:

dinis: ita ut illa Dei iustitia, quæ antea nobis debebat pœnas, & supplicia, jam ob merita, solutionemque tuam, facta sit nobis debitorum mercedis, & præmiorum æternorum. Idcirco illi non quasi petentes, sed veluti exigentes dicimus. *Dimitte nobis debita nostra, &c.*

Sexta Petitio. *Et ne nos inducas in tentationem.* Sextum JESU Patientis Cognomen fuit, Pseudopropheta, Seductor, Fallarius. Quod Cognomen, ita serviebat Domino JESU, sicut sol convenit nox, aut igni frigus. Vocatus est nihilominus isto nomine Dominus noster, tam ante, quam post mortem: Et quidem ideo quia falsitates, dolos, errores, deceptiones hominum refellebat, & coarquebat. Veritatem autem prædicabat, & prædicebat. Dilexerant nimirum homines magis tenebras, quàm lucem, nec volebant ad eam accedere, ut non arguerentur opera eorum, quæ utique erant mala, quod ipsum & hodie reperire non est difficile: homines enim si male agunt, qui putrescunt ut jumenta in stercore suo, vocant tenebras lucem, & lucem tenebras, bonum malum, & malum bonum, doctrinam veritatis, & placitum divinæ legis, & Sanctorum monita, & exempla, non verentur falsitatis, hypocryseos, superstitionis arguere, fatuitates appellare, huic sæculo, & his moribus minimè convenire. Semper scilicet Deus hominibus Seductor est, semper Pseudopropheta; nemini minùs quàm Deo credunt, immo scelera sua, & pravæ voluntatis nequitias, obstinationesque, ac duritias cordis appingunt Deo, interrim verò totos se ad arbitrium fingunt diaboli: & mercede data conducunt, coguntque demones

g: Di
bict
oper: 12
Tom 12
Ne 12

in perniciem suam: gloriantur cum malè fecerint, exultant in rebus pessimis suamque in obsequium diaboli propensionem, facilitatem, fidelitatem prædicant.

O Veritas Jesu, qui verax Magister es, & viam Dei in veritate doces, aperi & detege dolos istos nobis; ne inducas nos in tentationem, ne deferas nos in laqueis & decipulis diaboli, sed emitte lucem tuam, & veritatem tuam, & asserere nos in libertatem filiorum tuorum.

Septima Petitio. *Sed libera nos à malo, Amen.*
 Septimum Cognomen Passi Jesu, Latro & latronibus peior, latronumque Princeps. Abunde hunc suum, de Domino Jesu, sensum demonstrant, quando illi Barabbam seditiosum, homicidam, & latronem præposuerunt, quando illum cum iniquis deputarunt, quando illi patibulum proprium bajulandum imposuerunt, quando illum latronum publicorum morte, interque latrones medium, interfecerunt. Neque dissimulavit id contumeliæ Dominus Jesus, quod ad comprehendendum se accinctis Judæorum ministris, & ipsismet Primoribus dixit: tanquam ad latronem existis, cum gladiis comprehendere me. Talia sunt humana judicia: eum qui ab omni injuria corporis mentisque homines liberat, latronem, & omnis mali humani authorem fecerunt, & tanquam revera talem, turpissimâ, crudelissimâ, latronumq; propriâ morte affecerunt. Hæc est omnium piorum unica consolatio. Non est servus major Domino suo, si Dominum, latronis titulo ornârunt, servis quidni idem cognomen imponant. Si Patrem familias Beelzebub, Samaritanum, dæmonium habentem, insanum, in fu-

rorem versum, veneficum appellârunt; quam magis domesticos ejus paribus coloribus depingent.

Da Domine JESU nos fieri participes, tecum omnis humani maledicti propter te: & libera nos ab experimento omnis interni, & aeterni mali propter eundem Te.

ACCOMMODATIO VII.

Accommodando septem Effectus, sive fructus Passionis Christi, totidem Postulationibus Orationis Dominicae.

Pater noster qui es in Celis. Considera Passionem Domini Salvatoris nostri, esse inexhaustum quoddam gazophilacium, ex quo cuicumque (modo libeat) licet haurire omnem bonorum abundantiam, omnem meritorum, gratiarum, virtutum, auxiliorumque, tam externorum, quam internorum copiam. Nemo justè queri potest, se vel arceri ab hoc thesauro, vel parum quidpiam participare, vel pauperem esse: omnia enim bona, tam in copia, quam & in aperto sunt, ad hoc unum ut hauriantur; & quidem quàm copiosissimè, avarissimè, assiduissimè hauriantur. Quam enim JESUS totus vulneratus est, tam iste thesaurus totus plenus, totus apertus, & expositus est. Sibi ergo imputet, quisquis parùm, quisquis rari, quisquis timidè, quisquis nihil hausit. Solus enim ille hinc expellitur, qui se negligentem, & per hoc & indignum hauriendo exhibet. Nam de cetero ille commodissimè copiosissimèque participat, quisquis abrenuntians peccatis & jugum cupiditatum suarum pravaram excutiens, & suasque voluntates abnegans, crucifixo JESU se

g: Di
bict
oper: 12
Tom 11
N 3
8

conformat; voluntati Dei totum se submittit, proprii honoris & amoris conculcator, Deum infatigabiliter exaltat, meritis Christi sese dirat, virtutibus exornat, æternæ beatitudinis hereditate sese dignum idoneumque reddit. Hoc autem quicumque vult præstare, admodum facile præstabit, modo gratiæ Dei non desit, & posteaquam semel inceperit, usque in finem perseveret.

Prima Petitio. *Sanctificetur nomen tuum.* Primus Fructus Effectusque Passionis Christi est. Fides, Spes, Charitas. Sine quibus virtutibus, nullo modo salus æterna à nobis acquiri potest. Hæc enim est totius nostri ædificii Spiritualis structura, dimensio, & norma. Hoc est illud, quo Sanctificare nomen Dei nostri debemus, ac possumus. Hoc illud etiam est, quo uno, ac Solo Dei laus, & gloria, in mentibus nostris radicatur, & germinat. Credere in Deum, ejusque notitiam veram habere: in ejus auxilio, spem omnem collocare, deque ejus gratia, & manu liberali, salutem præstolari, & ad extremum eundem, super omnia toto corde amare, æstimare, & ab hoc nunquam deficere. Quod totum ex meritis, Domini nostri Jesu Christi, per Passionem, ac mortem, quæsit habemus. Immo verò nihil nos ita illuminat, inque cognitionem Dei ducit, nihil ita revelat divina mysteria, nihil ita spem roborat, & in Deum firmat, nihil ita in nobis charitas flammam auget, & exaggerat, sicut Jesus crucifixus, sicut Passio cruenta Salvatoris nostri. Hauri ergo, ô homo, de istis fontibus, de istis thesauris, de istis Gazophiliis, vulnerum Salvatoris? hauri, inquam, lumen fidei in Deum, robur fiduciæ in Deo, ardorem & efficaciam charitatis erga Deum. Si hinc ista non hauris, frustra aliunde speras, & quæris.

Secunda Petitio. *Adveniat Regnum tuum.* Alii Fructus Effectusque Passionis Christi est. Gratiæ & Amicitia, & Charitas Dei, in nobis manens nosque Deo amabiles reddens. Quæ Gratiæ, & nostra & Sanctitas, & Justitia; hæc nos facit Deum Regnum, hanc mendicamus, quando advenire nos Dei regnum rogamus: hæc est sementis vite æternæ, hæc est jus ad hæreditandum Regnum cæleste. Ipsa est præcipuus flos mercedum, contentis laboribus Christi repensarum, hanc quantum nobis meritis suis acquisivit, hoc ipso nos Deus reconciliavit, hoc ipso nos Regnum Deo, & nobis Deum fecit.

O verum & beatum Dei Regnum, advenias tandem in nos, & mane in nobis in æternum. O pretiosissime thesauri, in agro Humanitatis Christi JESU defosse, & abscondite, sed per vulnera, & Passionem ejusdem effosse, & in lucem producte & à prudentissimo mercatore, impendio totius substantiæ suæ, nobis empte, atque quæsitæ. Dona dulcis JESU nobis hunc thesaurum, & illi nos, illumque nobis serva, ut eum semper possidentes, ejusque bonis fruentes, eundem transferamus nobiscum, usque in vitam, usque ad hæreditatem æternam.

Tertia Petitio. *Fiat voluntas tua, sicut in Cælo & in terra.* Tertius Fructus effectusque seu meritum Passionis Christi, sunt auxilia actualia ad implendum voluntatem Dei, & ad præstandum opere omnia ad salutem, immo & perfectionem tam necessaria, quam parata semper. Quia enim volenti ad vitam ingredi, opus est observatione mandatorum Dei; hæc autem nostris propriis viribus non fit, absque divino auxilio, Dominus JESU

g: Di
bicit
oper: 12
Tom 11
Ne 1
5 &

JESUS postquam nos magisterio suo, de divina voluntate edocuiisset; postquam nobis in ejus amore, & executione, exemplo prævivisset, etiam auxiliorum, ad ejus impletionem, necessariorum, indubitata copiam, nobis per suam Passionem & mortem promeruit, & obtinuit. Inde omnis cogitatio bona & sancta, omnis nostræ voluntatis ad bonum affectus, omnis executio boni operis, omnis in bono perseverantia, omne peccati odium, & fuga, & emendatio, ab auxilio Dei est, ex meritis Christi est: quæ auxilia meritaque, à Christo ita derivamus, sicut palmites à suâ, in qua sunt vite, trahunt succum, vitam, incrementum, fructumque suum.

O viva & vera Vitis Bone JESU: serva in te nos palmites tuos purgatos, vivos, crescentes, fructuosos, abundanter, & perenniter fac nos. Sine te enim arefcimus, præscindimur, & in ignem mittimur, & ardemus. Palmiti namque aut vitis debetur, aut ignis: ut ergo in igne non simus, in te vera vite simus. O caput nostrum nobilissimum: dirige nos in viam rectam mandatorum Dei: ut sic in te, ita & in nobis impleatur semper, bona, beneplacens, & perfecta voluntas.

Quarta Petitio. *Panem nostrum quotidianum, da nobis hodie.* Quartus Effectus Fructusque Passionis Christi fuit, Sacramentum corporis & sanguinis Domini, quo in præsentī vita, animæ nostræ aluntur, confirmantur, & saginantur, ut robustiores, & vegetiores effectæ, dilatato, & impinguato, per charitatem corde, currant in via Spiritûs, usque ad bravium vitæ æternæ. Hoc Sacramentum pretiosissimum, non solum habet in se virtutem, & merita, Passionis, & mortis

Christi, sed insuper etiam continet in se ipsum
 met Christum, omnem scilicet substantiam eius
 Corpus, sanguinem, vitam, animam, divinitatem
 omnia bona, & virtutes, & gratias, & merita eius
 plane sicut in fonte habentur rivuli, sicut in se
 habentur radii, sic in gazophilacio habentur the-
 sauri, sicut in anima habentur, vita, potentia,
 opera. Grandis est hic & inestimabilis fructus
 Passionis, mortisque Christi, qui pro omnibus
 illis liberalissime communicatur, a quibus dili-
 gatissimo per incensa & inexpleta desideria corde
 concupiscitur. Mira res sane, quod pro totius
 mundi pretio non daretur homini, hoc pro de-
 voto, humili, & ignito desiderio, largissime pro-
 funditur. Congrega igitur totius mundi cupidi-
 tates, desideria, & avaritias, illasque desideran-
 do Sanctissimo Sacramento impendens dicit: Pa-
 nem nostrum quotidianum, nobis, sanguine & cor-
 pore, Filii tui Unigeniti conditum, Domine, da
 nobis hodie, da semper, da in tempore mortis
 nostrae.

Quinta Petitio. *Et dimitte nobis debita nostra,*
sicut & nos dimittimus debitoribus nostris. Quin-
 tus Fructus Effectusque Passionis Christi est, Rem-
 issio & abolitio peccatorum nostrorum omni-
 um. Utenim in mari rubro, sic deleti sunt demer-
 sique omnes Ægyptii, ut non remanserit ex eis
 ne unus quidem; ita in Passionis, & mortis Chri-
 sti Iesu cruentissimo mari, deleta sunt omnia
 peccata nostra, descenderunt sicut plumbum, in
 profundum oblivionis divinæ, unumque ex eis
 in conspectu eius non remansit. O fortunatum
 diluvium, in quo filii quidem Dei, abluti, & sal-
 vati; diabolus autem, & peccata demersa sunt,
 & de-

g: Di
 bict
 Oper: 22
 Tom 112
 N: 8

& delata. In hoc balneo, diebus singulis, lava cor tuum, anima mea, & expurga ab eo, omnes iniquitates ejus: nominatim, omnem iram, omne fraternum odium, omnem vindictæ cupiditatem, omnem injuriarum, offensarumque memoriam, ut liberè, sincereque oculos tuos, levare possis, ad illum Dominum tuum, qui pro te pendens in cruce, oravit pro crucifixoribus suis, docuitque te sic orare. *Dimitte nobis debita nostra, sicut & nos dimittimus debitoribus nostris.*

Sexta Petitio. *Et ne nos inducas in tentationem.*

Sextus Fructus Effectusque Passionis Christi est, Debellatio infernalis Tyranni, qui potestatem suam cruentam non minùs, quam iniquam, in omne genus nostrum, exercebat, ob quam etiam, ab ipso Redemptore nostro, vocatus est, Princeps hujus mundi, vocatus est fortis, armatus, custodiens atrium suum, & spolia sua in pace. Hunc sanguinarium Tyrannum Dominus JESUS vicit, & debellavit, virtutem ejus contrivit, ipsum alligavit, & vasa, spoliaque diripuit, Passione, cruce, & morte suâ, usque adeò, ut jam modò, prædo, & draco, & Leviathan iste, sit ludibrio pueris puellisque Christi, & illudant ei alligato, tanquam aviculæ implumi, & enervi, & retia tentationum ejus, faciliùs quàm araneorum fila, perrumpere valeant, & ex eis victoriæ suæ trophæa, in Domino gloriantes statuunt. Inde experimur legiones tartareas universas, ad unicum crucis signum, instar timidissimarum diffugere avicularum, aut captarum. Quocirca quisquis non tantùm vult non timere, à facie Tyranni hujus, sed etiam cupit, super aspidem, & basiliscum ambulare, & leonem draconemque istum

conculcare, seuto Passionis Christi, sese commu-
niat, & circumdet, quo fiet, ut omnes vires, con-
tus, fraudes, assultusque diaboli, in risum & ludi-
brium Cœliiibus, in confusionem, & ejulatum
inferis, & victoriam, & præmium, & gloriam sibi
converat.

Septima Petitio. *Sed libera nos à malo, Amen.*
Septimus Fructus atque Effectus Dominicæ Pas-
sionis est, Eliberatio nostra, Immunitasque à pec-
nis, tum inferni, tum purgatorii, tum etiam, (si di-
vinæ opi non desimus) ab ipsis, hujus vitæ. Omnes
nascimur naturâ filii iræ, & pabula infernalis ignis,
sed illos infernales ardores sempiternos, sanguis
Christi extinxit, emundans nos ab omni iniquita-
te, & satisfaciens, justitiæ Dei, pro omni nostro,
tam culpæ, quàm pœnæ reatu, ac debito. O quan-
tam ergo injuriam, contumeliamque faciunt JESU
Christo Passio, & Crucifixo, omnes peccatores,
qui habentes extinctum sanguine Christi inferna-
lem ignem, cum tamen ipsi, denuo, cupiditatum
suarum effrenium æstu, in contemptum Dei, in
gaudium diaboli, in nutrimentum inferni, reacce-
dunt, seseque incendiorum illorum, sempiternum
pabulum exhibent.

O JESU pro nobis Passæ, & mortue, libera nos
ab hoc malo: & da, ut sanguinis Passionisque tuæ
usa, & fructu, & merito, incendium infernale,
tam nobis ipsis, quàm omnibus proximis nostris
extinguamus; nunquam illud, seu nobis ipsis, seu
proximis restauremus, sed potiùs unanimiter
omnes, æternâ beatitudine dignos idoneos-
que facere, te adjuvante con-
tamur.